

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 239513 23 St
Zenica, 12.07.2024. godine

Općinski sud u Zenici, stečajna sutkinja Sanja Pavlić, u stečajnom postupku nad imovinom stečajnog dužnika, Društvo za dizajn, razvoj, proizvodnju i promet "FORNAX" d.o.o. Zenica, Goraždanska br. 84., Zenica, koga zastupa Šaban Hamzić, direktor društva, MBS: 43-01-0451-13, odlučujući o prijedlogu stečajnog dužnika, donio je van ročišta, dana 12.07.2024. godine sljedeće:

RJEŠENJE

OTVARA SE STEČAJNI POSTUPAK nad imovinom stečajnog dužnika Društvo za dizajn, razvoj, proizvodnju i promet "FORNAX" d.o.o. Zenica, Goraždanska br. 84., Zenica, MBS: 43-01-0451-13, JIB: 4218829410001, glavni račun stečajnog dužnika otvoren kod ASA Banka d.d. broj: 1344801001240578, dana 12.07.2024. godine u 15:00 sati.

Za stečajnog upravitelja, sa liste stečajnih upravitelja, imenuje se Jasmin Begagić, ul. Školska 10., Zenica.

Pozivaju se vjerovnici da u roku od 30 dana od dana objave ovog rješenja u „Službenim novinama“ Federacije BiH, prijave svoje tražbine koje imaju prema stečajnom dužniku podnošenjem prijave Općinskom sudu Zenica na broj: 43 0 St 239513 23 St, uz uplatu sudske takse u iznosu od 1% od vrijednosti tražbine, ali ne manje od 50,00 KM, niti više od 10.000,00 KM na račun budžeta ZE-DO kantona broj:134-010-0000001672, vrsta prihoda 722221, budžetska organizacija 1606001, općina 103.

Podnositelji prijave uz prijavu trebaju navesti svoju firmu, sjedište, boravište, pravni osnov i iznos tražbine, kao i broj svog računa kod poslovne banke.

Pozivaju se vjerovnici da stečajnog upravitelja u roku od 30 dana obavijeste koja prava osiguranja potražuju na predmetima i imovini stečajnog dužnika, navođenjem predmeta nad kojim se potražuje pravo osiguranja, vrstu i razlog nastanka prava osiguranja, kao i osiguranu tražbinu.

Pozivaju se dužnici stečajnog dužnika da svoje obveze bez odlaganja izmire.

Nalaže se stečajnom dužniku i trećim osobama da stečajnom dužniku predaju u posjed imovinu i dokumentaciju stečajnog dužnika koja je u njihovom posjedu.

Nalaže se registru poslovnih subjekata ovog suda da uz firmu ili naziv stečajnog dužnika izvrše upis oznake „u stečaju“, a u rubrici „Lica ovlaštena za zastupanje subjekta upisa“ umjesto imena i prezimena direktora, upišu ime i prezime stečajnog upravitelja.

Nalaže se zemljišnoknjižnim uredima i nadležnim katastarskim operatima, kod kojih se vode nekretnine stečajnog dužnika, da izvrše upis rješenja o otvaranju stečajnog postupka.

Ispitno i izvještajno ročište u ovom postupku zakazuje se za dan 08.10.2024. godine u 9,30 sati, u zgradi Općinskog suda Zenica, te se na isto pozivaju vjerovnici stečajnog dužnika koji podnesu prijavu tražbine, kao i stečajni upravitelj.

Rješenje o otvaranju stečajnog postupka objavit će se na oglasnoj tabli suda, web stranici suda-elektronskoj tabli suda, na internet stranici FIA-e, a u „Službenim novinama“ Federacije BiH objavit će se izreka rješenja.

O b r a z l o Ź e n j e

Društvo za dizajn, razvoj, proizvodnju i promet "FORNAX" d.o.o. Zenica, Goraždanska br. 84., Zenica, podnijelo je prijedlog za provođenje stečajnog postupka dana 25.12.2023. godine.

Privremeni stečajni upravitelj Jasmin Begagić iz Zenice je u vezi sa ispunjavanjem uvjeta za otvaranje stečajnog postupka nad imovinom stečajnog dužnika sačinio Izvještaj od 28.03.2024.godine i Dopunu Izvještaja od 21.05.2024. godine, te je na ročištu za ispitivanje uvjeta za otvaranje stečajnog postupka održanom dana 11.07.2024. godine, izjavio da ostaje kod svog izvještaja od 28.03.2024.godine i Dopune Izvještaja od 21.05.2024. godine, te da ističe da privredno društvo Fornax d.o.o. Zenica je faktički prestalo obavljati svoju djelatnost početkom 2023. godine te isto nije u prethodnom periodu radilo niti ostvarivalo bilo kakve prihode, a da u predmetnom periodu stečajni dužnik nije plaćao preuzete obveze koje se odnose na osnovu pozajmica te preuzetih ugovornih obveza prema dobavljačima. Naveo je da je isto u odnosu na obveze prema uposlenicima od mjeseca oktobra 2023. godine, prestalo ispunjavati svoje obveze pa tako isto zaključno sa

mjesecom juni 2024. godine, te u odnosu na obveze prema istim duguje iznos od preko 350.000,00 KM. Naveo je da u predmetnom periodu, a od momenta podnošenja prijedloga za otvaranje stečajna od strane Poreske uprave je konačno i blokiran račun stečajnog dužnika.

Privremeni stečajni upravitelj je istakao da kako je navedeno u Izvještaju obveze dužnika iznose 16.069.890,00 KM, a koje se obveze odnose na dugovanja po osnovu kredita, dugovanje prema dobavljačima te kamate, sve uvećano za obveze koje se odnose na dugovanja prema uposlenicima.

Što se tiče imovine koju posjeduje stečajni dužnik, privremeni stečajni upravitelj je naveo da se ista odnosi na jedno putničko motorno vozilo Seat Leon prema procjeni vještaka mašinske struke u vrijednosti od 13.325,40 KM, zatim tele i računarsku opremu, prema procjeni vještaka u vrijednosti od 11.340,00 KM, te dospjele tražbine, a koje nisu u zastari u iznosu od 16.777,53 KM, te imovina u vidu kanc. namještaja i opreme za koju trenutno je potrebno izvršiti tržišnu procjenu.

Imajući u vidu da društvo duži period ne plaća svoje dospjele obveze, privremeni stečajni upravitelj smatra da su ispunjeni uvjeti za otvaranje stečajnog postupka onako kako je navedeno u izvještaju dostavljenom 28.03.2024 i Dopune predmetnog izvještaja od 21.05.2024. godine.

Izjavio je također da u skladu sa dostavljenim odgovorom od 21.05.2024. godine, ističe da prijedlog Poreske uprave za donošenje mjere obezbijedenja smatra neosnovanim, a u odnosu na obavijest Agencije za reviziju privatizacije F BiH od 13.02.2024. godine u skladu sa dostavljenim izjašnjenjem na istu od 21.05.2024. godine, ponovo ističe da predmetni stečajni postupak pokrenut nad pravnim licem Fornax d.o.o. Zenica ranijeg naziva Prevent Zenica d.o.o. Zenica, te u odnosu na pravno lice Prevent Sarajevo d.o.o. Visoko, ističe da se ne radi o istom pravnom subjektu te s tim u vezi navodi Agencije iz predmetne obavijesti te prijedlog za odgodu otvaranja stečajnog postupka nad stečajnim dužnikom Fornax d.o.o. Zenica nisu osnovani.

Privremeni stečajni upravitelj je također izjavio da trenutno ovlašteno lice direktor Šaban Hamzić, a kako je navedeno u Izvještaju, podnio je prijedlog za pokretanje stečajnog postupka u roku od 60 dana od dana njegovog imenovanja, međutim s obzirom na stanje stečajnog dužnika obveze istog te njegovu platežnu nesposobnost koja je nastala nešto ranije početkom 2023. godine, kada je stečajni dužnik faktički prestao sa poslovanjem pa tako i sa ispunjavanjem dospjelih obveza, smatra da prijedlog za pokretanje stečajnog postupka nije podnesen u zakonskom roku u skladu sa odredbama člana 63 Zakona o stečajnom postupku.

Zakonski zastupnik predlagatelja je na ročištu izjavio da ostaje u postpunosti kod podnesenog prijedloga za otvaranje stečajnog postupka, iz razloga jer je ocjenio da postoji platežna nesposobnost društva Fornax d.o.o. Zenicam, te da je njegova zakonska obveza da ovakav prijedlog podnese u roku od 60 dana od dana imenovanja. Naveo je da svi razlozi koje u samom obrazloženju prilikom podnošenja prijedloga su potvrđeni od samog privremenog stečajnog upravitelja sa čijim navodima se u potpunosti slaže i predlaže da sud donese rješenje kojim se otvara stečajni postupak.

Napomenuo je da je nakon uvida u dokumentaciju utvrdio da je prethodna uprava društva imala zaduženje da stvori predpostavke za donošenje Odluke o prestanku društva, te ista Uprava je nastojala da izvrši likvidaciju društva, što je dokumentovano dokazima.

Sud je nakon izjave privremenog stečajnog upravitelja, zakonskog zastupnika, dokaze priložene u spis, kao i u Izvještaj i Dopunu Izvještaja privremenog stečajnog upravitelja odlučio kao u izreci.

Sud je pored navedenog ovim rješenjem odredio dan i sat otvaranja postupka, imenovao stečajnog upravitelja sa liste stečajnih upravitelja, pozvao vjerovnike stečajnog dužnika da prijave tražbine i vjerovnike sa pravom osiguranja da obavijeste stečajnog upravitelja o svom pravu, te dužnike stečajnog dužnika da bez odlaganja izmire svoje tražbine, te je odredio i dan i sat za koji je zakazano ispitno i izvještajno ročište, a sve u skladu sa odredbama čl. 104., 105., 106., 107. i 108., Zakona o stečaju (Sl. Novine F BiH 53/21), budući da je naprijed navedeno i potrebno da sadrži rješenje o otvaranju stečajnog postupka.

PRAVNA POUKA

Protiv ovog rješenja stečajni dužnik može uložiti žalbu u roku od 8 (osam) dana po prijemu rješenja Kantonalnom sudu Zenica, putem ovog suda.

Stečajna sutkinja
Sanja Pavlič